

# Ժողովուրդ

124 (2790)

6 սեպտեմբերի չորեքշաբթի 2023 տպագրության ԺԲ տարի

Ք. Երևան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

## ՀԱՅԱՍՏԱՆՈՒՄ ԿՈՉՈՒՄՆԵՐ ԱՅԼԵՎԱՍ ՉԵՆ ԼԻՆԵԼՈՒ



ՀՀ արդարադատության նախարարությունը նոր նախագիծ է ներկայացրել հանրային քննարկման: «Ժողովուրդ» օրաթերթը տեղեկացավ, որ այդ նախագիծով նախարարությունն առաջարկում է «Հայաստանի Հանրապետության պետական պարգևների և պատվավոր կոչումների մասին» օրենքից եւ հարակից այլ օրենքներից հանել Հայաստանի Հանրապետության ժողովրդական սկարզի, Հայաստանի Հանրապետության գիտության վաստակավոր գործչի, Հայաստանի Հանրապետության վաստակավոր ճարտարապետի, Հայաստանի Հանրապետության վաստակավոր շինարարի, Հայաստանի Հանրապետության վաստակավոր բժշկի, Հայաստանի Հանրապետության վաստակավոր իրավաբանի, Հայաստանի Հանրապետության վաստակավոր արտիստի, Հայաստանի Հանրապետության վաստակավոր սկարզի, Հայաստանի Հանրապետության արվեստի վաստակավոր գործչի, Հայաստանի Հանրապետության մշակույթի վաստակավոր գործչի, Հայաստանի Հանրապետության վաստակավոր մանկավարժի, Հայաստանի Հանրապետության վաստակավոր լրագրողի, Հայաստանի Հանրապետության տնտեսության վաստակավոր աշխատողի, Հայաստանի Հանրապետության ֆիզիկական կուլտուրայի եւ սպորտի վաստակավոր գործչի, Հայաստանի Հանրապետության վաստակավոր մարզչի կոչումները եւ Հայաստանի Հանրապետությունում սահմանել միայն Հայաստանի Հանրապետության վաստակավոր կուլտուրայի պատվավոր կոչումը:


Ավելին՝ նախագծի հիմնավորման մեջ նշվում է, որ պատվավոր կոչումների շնորհումը հաճախ, դրական հետեւանքներ ունենալու փոխարեն, բացասական ազդեցություն է ունենում առանձին մասնագիտական հանրային ներսում առաջացող հարաբերությունների եւ առանձին մասնագիտությունների եւ կուլտուրայի համարժեք հանրային ընկալման ձեւավորման վրա: Նշվում է, որ, վերոգրյալի հիման վրա, առկա է անհրաժեշտություն՝ չեղարկելու օրենքով ներկայումս նախատեսված պատվավոր կոչումները եւ նախատեսելու մեկ միասնական պատվավոր կոչում:

Այսինքն՝ պատվավոր մասնագետներին գնահատելը Նիկոլ Փաշինյանի օրոք դարձել է անընդունելի:

Հայկ Մարության ունի 4 զավակ՝ 2 տղա եւ 2 աղջիկ: Նրա զավակները Չեխիայի քաղաքացիներ են. «Ժողովուրդ» օրաթերթն այս մասին գրել է: Օրեր առաջ Մարությանը ոչ միայն հաստատեց այս փաստը, այլեւ հայտարարեց, որ թեթ իր որդիները մեծանան եւ ցանկանան ծառայել հայկական բանակում, ապա կծառայեն: Մի քաղաքական ուժի ղեկավար, որը նույնիսկ քաղաքական ծրագիր չունի, խոսում է հայրենասիրության եւ հայրենիքի պաշտպանության կարեւորության մասին, իր որդիներին դարձնել է Չեխիայի քաղաքացիներ, որպեսզի խուսափեն ծառայությունից: Ստացվում է, որ հայրենասիրություն եւ մարդասիրություն քարոզող անձն իր երեխաների մեջ սնել է այլ հայրենիք եւ սերունդ է սեր այլ հայրենիքների նկատմամբ: Իրականում հայրենասիրություն բառը այդպիսի գործիչները դարձնում են այցեքարտ՝ բացելով ժողովրդի սրտի դռները, սակայն իշխանության գալով՝ դառնալիս շրջակացնում են դռները թե՛ հայրենիքի առաջ եւ թե՛ խղճի առաջ: Հազարավոր ծնողներ մնացին անզավակ 2020թ.-ից հետո, եւ որեւէ մեկը նրանցից չէր հետաքրքրվել ուզում են ծառայել հայկական բանակում, թե ոչ: Ծառայությունը մեր երկրում պարտադիր է, եւ բոլորը հավասար են օրենքի առաջ: Հայկ Մարությանը թերեւս հենց ծառայությունից խուսափելու համար է իր որդիներին Չեխիայի քաղաքացիներ դարձրել: Բայց մի՞թե հայրենիքը չի սկսվում այն սահմանից, որն արյունոտ է, մի՞թե հայրենիքի համար պարտք տալը ըստ ցանկության է:



«Ժողովուրդ» օրաթերթի տեղեկություններով՝ վարչապետի գլխավոր խորհրդական Համբարձում Մաթետոյանն առաջիկայում գործուղվելու է դիվանագիտական կորպուս. նա դեսպան կնշանակվի: Հավելենք, որ, չնայած երիտասարդ տարիքին, Համբարձում Մաթետոյանը տարբեր բարձր պաշտոններ հասցրեց զբաղեցնել: Հեղափոխությունից հետո՝ 2018թ.-ին, նա նշանակվել էր Արմավիրի մարզպետ, այնուհետեւ գործուղվել էր կառավարություն: 2021թ.-ին նա նշանակվել էր փոխվարչապետ, իսկ 2023թ.-ի փետրվարի 16-ից զբաղեցնում է վարչապետի գլխավոր խորհրդականի պաշտոնը: Մեր տեղեկություններով՝ Նիկոլ Փաշինյանն իր խորհրդականին որոշել է հիմա էլ ավելի լավ պաշտոնի տեղավորել ու նրան դեսպան կնշանակի, սակայն դեռ որոշված չէ, թե որ երկրում: Ինչպես գործադիրի մեր աղբյուրներն են փոխանցում, դեսպան նշանակվելը Համբարձում Մաթետոյանի ցանկությունն է. հավանաբար վերջինս հոգնել է գործադիրում իր աշխատանքից ու որոշել է արտերկրում աշխատանքի անցնել: Տեղեկությունը ճշտելու համար փորձեցինք կապ հաստատել նաեւ Համբարձում Մաթետոյանի հետ: Նրա փոխարեն պատասխանեց օգնականը եւ ասաց, որ նման բան չկա, առաջին անգամ մեզանից է լսում: Հիշեցնենք՝ երբ Մաթետոյանը փոխվարչապետի պաշտոնին հրաժեշտ տվեց, դրանից առաջ էլ մեզ տված հարցազրույցում հերքում էր իր հնարավոր հրաժարականը: Չնայած հերքումներին՝ նկատենք, որ արդեն երեկվանից սկսվել են փոփոխությունները դիվանագիտական կորպուսում, եւ մի շարք դեսպաններ հետ են կանչվել իրենց պաշտոններից: Ամեն Աղաջանյանը հետ է կանչվել Բելգիայում ՀՀ արտակարգ եւ լիազոր դեսպանի, Սերգեյ Մարտիրոսյանը՝ Շվեդիայի Թագավորությունում, Դանիայի Թագավորությունում, Նորվեգիայի Թագավորությունում, Ֆինլանդիայում եւ Իսլանդիայում ՀՀ արտակարգ եւ լիազոր դեսպանի պաշտոնից: Սամվել Մկրտչյանն էլ հետ է կանչվել Լեհաստանում ՀՀ արտակարգ եւ լիազոր դեսպանի պաշտոնից:



Արդեն «խաղատան կարգավիճակ» ստացած Wildberries-ը ինչպես աջակցում է հայաստանյան շուկայի բազմազանությանը, այնպես էլ վնասում է Հայաստանի տնտեսությանը: Վերջին մի քանի ամիսներին Wildberries-ում ժամանակ անցկացնելը դարձել է հայաստանաբնակների օրվա մի մասը: Ամեն րոպե ինչ-ինչ փնտրումների մեջ են մարդիկ, ինչ անհրաժեշտ է լինում, առանց տեղի շուկան ուսումնասիրելու, միանգամից ապրանքը որոնում են Wildberries օնլայն խանութում, գտնում համեմատաբար մատչելի տարբերակներ եւ գնում: Սրա պատճառն այն է, որ օգտատերերը գտել են ավելի հեշտ, հնարավոր եւ էժան տարբերակ ապրանքները ռուսական շուկայից ավելի մատչելի տարբերակով պատվիրելու համար: Սրա մասին մենք նախկինում գրել էինք: Հենց այս պատճառով էլ Wildberries-ը շատ արագ դարձավ Հայաստանի 1000 խոշոր հարկատուներից մեկը, իսկ մի օգտատիրոջ հաշվով վերջին 6 ամսվա ընթացքում կատարվել է 3 մլն գնում: Ինչքան էլ Wildberries-ը ավելացնում է Հայաստանի պետական բյուջեի գումարները, այնքան էլ սառեցնում է հայկական ապրանքաշրջանառությունը, եւ տուժում են տնտեսվարողները: Այդ պատճառով էլ երեկ կառավարության առաջ բողոքի ակցիա անցկացրած տնտեսվարողները պահանջել են Պետական եկամուտների կոմիտեից արգելել ռուսական տարբերակով ապրանքներ պատվիրելու հնարավորությունը: Ի պատասխան այս բողոքի՝ ՊԵԿ-ը դիմել է Wildberries-ին, որպեսզի վերահսկողություն սահմանեն եւ արգելափակեն «գարտուղի» տարբերակով գնումներ կատարելը: Wildberries-ը, սակայն, պատասխան դեռ չի տվել: Այսինքն՝ հավանականությունը, որ Հայաստանում կարգելվի ռուսական տարբերակով ապրանքներ պատվիրելը, շատ մեծ է: Եւ տուժում է դարձյալ ՀՀ բնակիչը՝ զրկվելով համեմատաբար էժան շուկայից գնումների հնարավորությունից:



ԶՐՈՒՅՑ

# ԻՐԱՎԻՃԱՆԸ՝ ԱՌԻԲԵՋԱՆԻ ԵՎ ՀԱՅԱՍՏԱՆԻ ՄԻՋԵՎ

Հայաստանում եւ Արցախում իրավիճակը բարունակում է լարված մնալ: Ադրբեջանական կողմը գրեթե ամենօրյա ռեժիմով սադրանքներ է դիմում Հայաստանի սահմանների ուղղությամբ, բացի դա, մեծացնում է ճնշումները նաեւ Արցախում:

«Ժողովուրդ» օրաթերթի հետ զրույցում ադրբեջանագետ, պատմական գիտությունների թեկնածու Տաթևիկ Յայրապետյանը, անդրադառնալով Հայաստանում եւ Արցախում ստեղծված իրավիճակին, նշում է՝ Ադրբեջանը կցանկանա լայնամասշտաբ ռազմական գործողությունների գնալ, բայց միջազգային վերջին զարգացումները զսպում են նրա փորձերը եւ թույլ չեն տալիս էլ ավելի լարել իրավիճակը:

Իրականում Ադրբեջանը արդեն տեսական ժամանակ փորձում է բավական բարձր պահել լարումը: Իրենք անընդհատ հրապարակումներ են անում նոր էսկալացիայի, հնարավոր գործողությունների մասին՝ դեռեւս օգոստոսի կեսերիս սկսած: Տպավորությունն այնպիսին է, որ իրենք իրապես կցանկանան գնալ ռազմական գործողությունների՝ իրենց վարած քաղաքականության համաձայն պատերազմի դաշտում ցանկանալով իրավիճակ փոխել, ապա դա թելադրել բանակցային սեղանի շուրջ: Այդուհանդերձ, որոշ զարգացումներ միջազգային առումով այլևս թույլ չեն տալիս, որ իրենք առնվազն լայնամասշտաբ գործողությունների գնան, բայց իրենց ծրագրերը հստակ է: Վերջերս Ադրբեջանում էր Թուրքիայի պաշտպանության նախարարը, դրանից հետո Ադրբեջանի պաշտպանության նախարարն էր մեկնել Թուրքիա: Այդ ժամանակ Սոթքում սահմանային լարում կար, եւ Թուրքիայի պաշտպանության նախարարը հայտնեց, որ իրենք աջակցում են Ադրբեջանի արդարացիորեն մղած պատերազմին: Սրան զուգահեռ՝ նաեւ Թուրքիայի ար-



տաքին գործերի նախարարն էր Իրանում: Ավելի ուշ Իրանից վերահաստատեցին իրենց դիրքորոշումը, այն է՝ իրենք թույլ չեն տա նման զարգացումներ, եւ, բնականաբար, այս ամենը նախազգուշացում էր, բայց, ընդհանուր առմամբ, ակնհայտ է, որ իրենք կցանկանան գնալ իրավիճակի լարման ճանապարհով:

**-Այսինքն՝ առաջիկայում ավելի լայնամասշտաբ ռազմական գործողություններ հնարավոր են, թե՛ Ադրբեջանը կսահմանափակվի միայն այսպես՝ իրավիճակի տեղային լարմամբ:**

Թեպետ տեղեկատվական-քարոզչական առումով իրենք փորձում են նման նախապատրաստություն տեսնել, սակայն հստակ տեղեկատվության համար պետք է օպերատիվ իրավիճակին տիրապետել գործերի կուտակման, զինհամալրման ու այլնի մասին, որը, կարծում եմ, որեւէ փորձագետ չի կարող ունենալ, բայց միջազգային առումով ես դեռեւս տեսնում եմ, որ կան զսպաշափակներ, եւ կանաչ լույսը դեռեւս չի վառվում: Այնուամենայնիվ, չեն բացառվում հետագա սադրանքները:

**Զրույցը ԶՐԻՍՄԻՆԵ ՍՈՒՇԵՂՅԱՆԸ**

## ԿԱՐԵՎՈՐ ՀԱՔԵՑԱԾ ՄԵՊՏԵՄԲԵՐ

Խորհրդարանականների մոտ ողջ սեպտեմբերը «հազեցած» կլինի գործուղումներով:

Սեպտեմբերի 4-7-ը Գերմանիա գործուղման կմեկնեն ԶՊ-ական պատգամավորներ Անդրանիկ Բոջարյանը եւ Քրիստինե Պողոսյանը: Իշխանական պատգամավորները Բեռլինում կմասնակցեն «Ճգնաժամին արձագանքելը եւ ժողովրդավարական կայունության ձեւավորումը, խորհրդարանների դերը» թեմայով քննարկմանը: Պատգամավորների գործուղման հետ կապված բոլոր ծախսերի վճարումը կկատարի իրավիճակը կողմը:

Աժ պետական-իրավական հարցերի մշտական հանձնաժողովի նախագահ Վլադիմիր Վարդանյանը սեպտեմբերի 7-9-ը կգործուղվի Ֆրանսիա Եվրոպայի խորհրդի խորհրդարանական վեհաժողովի (ԵԽՆՎ) իրավական հարցերի եւ մարդու իրավունքների հանձնաժողովի նիստի աշխատանքներին մասնակցելու համար, իսկ սեպտեմբերի 24-26-ը Վլադիմիր Վարդանյանը կմասնակցի Մարդու իրավունքների եվրոպական դատարանի դատավորների ընտրության հանձնաժողովի նիստի աշխատանքներին, կրկին՝ Փարիզում:

Եվրոպայի խորհրդի խորհրդարանական վեհաժողովի (ԵԽՆՎ) իրավափաստաբանության եւ խորհրդարանական դեմ պայքարի հարցերի հանձնաժողովի նիստի աշխատանքներին մասնակցելու համար ԶՊ-ական մյուս պատգամավոր Յուրիսիմե Գրիգորյանը սեպտեմբերի 13-16-ը կգործուղվի Փարիզ:

Ընդդիմադիր պատգամավոր Արմեն Ռուստամյանը եւս կգործուղվի Փարիզ Եվրոպայի խորհրդի խորհրդարանական վեհաժողովի (ԵԽՆՎ) մոնիտորինգի հանձնաժողովի նիստի աշխատանքներին մասնակցելու համար:

Պատգամավորների գործուղման հետ կապված ծախսերը՝ ճանապարհածախսը, օրապահիկը, ինչպես նաեւ գիշերավարձը, կկատարվեն պետությունից հաշվին:

## ԲԵԳԼԱՐՅԱՆԻ ՊԱՐԶԱԲԱՆՈՒՄԸ

«Ժողովուրդ» օրաթերթը Արցախի պետնախարարի խորհրդական Արտակ Բեգլարյանի ֆեյսբուքյան էջից տեղեկանում է, որ Բեգլարյանը իրեն չի համարում նախագահի դիրքի համար համապատասխան անձ:

«Պարզվում է՝ երեկ մի տելեգրամյան ալիք բացարձակ կեղծ տեղեկություն է հրապարակել, թե, իբր, տարբեր ներքին

ու արտաքին ուժեր լրբբինգ են անում Արցախի Հանրապետության նախագահի պաշտոնում իմ թեկնածության օգտին:

Կարող եմ միանշանակորեն պնդել, որ ընդհանրապես նման թեմա չեմ քննարկել որեւէ մեկի հետ, նույնիսկ այդպիսի գաղափար չի անցել մտքովս, քանի որ նման ցանկություն ոչ ունեմ, ոչ էլ ունեցել եմ: Իսկ արտաքին որեւէ ուժի հետ ինձ կապողները թող իրենց պատվիրատուների մասին մտածեն: Ես ձեր տեսակից չեմ, որ ներքին որեւէ հարց լուծելու համար արտաքին ուժի դիմեմ:

Ավելին կասեմ ես ինքս ինձ չեմ համարում նախագահի դիրքի համար համապատասխան անձ՝ տարբեր հանգամանքներ հաշվի առնելով: Ես պատրաստ եմ անձնվիրաբար ծառայել Հայրենիքիս իմ ողջ կարողություններով, բայց յուրաքանչյուր ոք պետք է իրեն համապատասխան դիրքում ու միջոցներով ծառայությունն իրականացնի:

Ով էլ ընտրվի հանրապետության նախագահ՝ Սահմանադրությամբ նախատեսված կարգով, ես պատրաստակամ եմ հնարավորինս աջակցելու նրան, որ հատկապես այս ծանրագույն շրջանում կարողանա Արցախն առաջնորդել մեր առջեւ ծառայած ահռելի մարտահրավերները պատվով հաղթահարելու ուղով:

Ես ինչի մասին եմ մտածում, ոմանք՝ ինչի», - գրել է նա:

## ՀԱՄԱԶԳԵՄՑ ԳԱՏԱՊԱՐՏՅԱԼՆԵՐԻՆ

«Ժողովուրդ» օրաթերթի տեղեկությունների համաձայն՝ դատապարտյալների եւ կալանավորների շրջանում նոր բռնուտ է հասունանում: Կալանավորները հրաժարվում են գնալ դատարան: Բանն այն է, որ Գլխավոր դատախազությունը պարտադրում է, որ դատապարտյալները հատուկ նախատեսված համազգեստը հագնեն ու նոր ներկայանան դատարաններ՝ իրենց գործերով նիստերին մասնակցելու, սակայն վերջիններս հրաժարվում են կրել նախատեսված հագուստը ու չեն ներկայանում դատական նիստերին: «Ժողովուրդ» օրաթերթը, իրավիճակով պայմանավորված, դիմեց Գլխավոր դատախազություն, որտեղից ի պատասխան՝ հայտնեցին. «Գլխավոր դատախազության պատիժների եւ հարկադրանքի այլ միջոցների կիրառման օրինակները նկատմամբ հսկողության վարչության պետն այսօր՝ սեպտեմբերի 4-ին, գրություն է հասցեագրել ԱՆ քրեակատարողական ծառայության պետի պաշտոնակատարին: Վարչության պետը գրությամբ բարձրացրել է 2023 թվականի օգոստոսի 30-ին կայացած դատական նիստին ԶԿՅ-ի դատապարտյալի կողմից սպորտային հագուստով ներկայանալու հանգամանքը (նիստի ընթացքում քննվել է դատապարտյալի՝ պատժի կրումից պայմանական վաղաժամկետ ազատելու հարցը դատարան չներկայացնելու մասին ԶԿՅ պետի որոշումը): Բացի սպորտային հագուստով դատական նիստին ներկայանալուց, դատապարտյալը հայտարարել է, որ ինքն ընդունում է քրեական ենթամշակույթը եւ շարունակելու է ընդունել: Նշենք, որ Արդարադատության նախարարության քրեակատարողական հիմնարկների ներքին կանոնակարգի 111-րդ կետի համաձայն՝ դատապարտյալներն ապահովվում են միասնական նմուշի հագուստով, որը կրում են պատժի ողջ ընթացքում՝ որոշակի բացառություններով: Գլխավոր դատախազության համապատասխան վարչությունը իրեն վերապահված լիազորությունների շրջանակում, ի թիվս այլնի, ապահովում է պատիժների եւ հարկադրանքի այլ միջոցների կիրառման վայրերում իրավական ակտերի պահանջների միատեսակ կիրառությունը: Դատապարտյալի կողմից դատարան սպորտային հագուստով ներկայանալու հանգամանքը հիմք ընդունելով՝ վարչության պետը ԶԿԾ պետի պաշտոնակատարին ուղղված գրությամբ առաջարկել է պարզել դատապարտյալին միասնական նմուշի համազգեստ հատկացված լինելու եւ քրեական ենթամշակույթն ընդունելու հանգամանքները»:

Այսինքն՝ կոնկրետ քրեական ենթամշակույթ կրող անձն իր վարմունքով ստիպել է ողջ համակարգի համար խաղի նոր կանոն սահմանել: Տեսնենք՝ արդյոք քաղաքական բանտարկյալներին եւս դա կվերաբերի:

## ԿԺԱՄԱՆԵՆ ՀԱՅԱՍՏԱՆ

Հաջորդ շաբաթ Ֆրանսիայից եւ ԵԱՀԿ-ից պատվիրակություններ կժամանեն Հայաստան:

«Ժողովուրդ» օրաթերթը ԱԺ-ից տեղեկացավ, որ սեպտեմբերի 13-16-ը Հայաստան կժամանի Ֆրանսիայի Ազգային ժողովի արտաքին հարաբերությունների հանձնաժողովի նախագահ Ժան-Լուի Բուրլանդի գլխավորած պատվիրակությունը: Ֆրանսիայից ժամանող պատվիրակությանը կդիմավորի Աժ արտաքին հարաբերությունների մշտական հանձնաժողովի նախագահ Սարգիս Խանդանյանը: Սեպտեմբերի 11-15-ը Հայաստան կժամանի ԵԱՀԿ ԽՎ գլխավոր քարտուղարի տեղակալ Գուստավո Պարալլեսի գլխավորած պատվիրակությունը: Պատվիրակությանը կդիմավորի Ազգային ժողովի աշխատակազմի ղեկավար-գլխավոր քարտուղար Դավիթ Առաքելյանը:

ԻՐԱՎԻՃԱԿ

ԱՆՊՐԱՂԱՐՁ

ՄԱՐԻԱ ԶԱԽԱՐՈՎԱՆ՝ ԻՐԱՎԻՃԱԿԻ ՄԱՍԻՆ

ՀԱՆԳԻՊԵԼ Է ԲԱՅՐԱՄՈՎԻՆ

«Ժողովուրդ» օրաթերթի փոխանցմամբ Յունգարիա կատարած այցի շրջանակում Ադրբեջանի արտաքին գործերի նախարար Զեյնուլաբադյանի հարցազրույցում հանդիպել է Եվրամիության հարեանության եւ ընդլայնման քաղաքականության գծով հանձնակատար Օլիվեր Վարիելիին:

Նշվել է, որ հանդիպման ժամանակ քննարկվել են Ադրբեջանի եւ ԵՄ-ի միջեւ հարաբերությունները, այդ թվում՝ ընթացիկ իրավիճակը տարածաշրջանում:

«Զեյնուլաբադյանը, նշելով Ադրբեջանի եւ ԵՄ-ի միջեւ համագործակցության բազմակողմ օրակարգի առկայությունը, գոհունակությամբ տեղեկացրել է, որ այդ կոնկրետ ոլորտում կան մի շարք հարցեր, այդ թվում՝ քաղաքական, տնտեսական, առևտրային, տրանսպորտային, էներգետիկ անվտանգության եւ այլն: Նշվել է, որ նոր համակողմանի համաձայնագրի նախագիծը, որը նախատեսվում է ստորագրել Ադրբեջանի եւ ԵՄ-ի միջեւ, կարող է կարելու դեր խաղալ կապերի հետագա զարգացման գործում: Ընդգծվել է Ադրբեջանի եւ ԵՄ-ի միջեւ էներգետիկ ոլորտում ռազմավարական գործընկերության վերաբերյալ փոխըմբռնման հուշագրի կարելու գործունեությունը: Եներգետիկ անվտանգության ոլորտում, ինչպես նաեւ այլընտրանքային էներգետիկ ռեսուրսների զարգացում: Խոսելով «Միջին միջանցք - Տրանսկասպիյսկ» միջազգային տրանսպորտային երթուղու պոտենցիալի ընդլայնման ոլորտում Ադրբեջանի առաջադրած նախաձեռնությունների մասին՝ Զեյնուլաբադյանը նշել է, որ տարածաշրջանում տրանսպորտային բոլոր հարողակցությունների, այդ թվում՝ Ջանգեզուրի միջանցքի բացումը, կարող է զգալի ավանդ ներդրել այդ գործընթացում»,- մեջբերել է ԶԼՄ-ն:

ՉԵՆ ՀԵՌԱՆԱ

«Ժողովուրդ» օրաթերթի փոխանցմամբ Պեկինում արձագանքել է Հայաստանի վարչապետ Նիկոլ Փաշինյանի այն հայտարարությանը, թե տեսնում են, որ Ռուսաստանը իր կողմից ձեռնարկվող կամ չձեռնարկվող քայլերի բերումով ինքն է հեռանում Հարավային Կովկասի տարածաշրջանից:

«Մենք խորը հարգանք ենք տածում վարչապետ Փաշինյանի նկատմամբ, գնահատում ենք նրա եւ նախագահ Պուտինի աջակցությունը եւ շատ կառուցողական հարաբերությունները, բայց այդ թեգերի հետ չենք կարող համաձայնել: Ռուսաստանը ոչ մի տեղ չի պատրաստվում գնալ: Ռուսաստանը շարունակում է հետեւողական, շատ կարելու դեր խաղալ իրավիճակի կայունացման եւ հակամարտության վերացման գործում: Այս համատեքստում կարելու է տարածաշրջանի բոլոր պետությունների հանձնառությունը Լեռնային Ղարաբաղի հարցով եռակողմ հայտարարություններին: Նոր իրադարձություններ են եղել, որոնք որոշակիորեն փոխել են իրավիճակը, սակայն դա չի նշանակում, թե Ռուսաստանը ինչ-որ կերպ շեղվում է իր գործունեությունից»,- ասել է նա:

ՌԳ ԱԳՆ դաշնական ներկայացուցիչ Մարիա Զախարովան առաջարկել է ՀԱՊԿ առաքելություն սեղակայել Հայաստանի եւ Ադրբեջանի միջեւ սահմանամերձ սեղանապահ:

«Մենք ցավակցում ենք Սոթք գյուղում հայ զինծառայողների առիթով եւ կոչ ենք անում կողմերին ձեռնպահ մնալ այնպիսի գործողություններից, որոնք սրում են էսկալացիան, լարվածությունը եւ, առավել եւս, հանգեցնում են մարդկային զոհերի: Այս ողբերգական միջադեպը մեկ անգամ եւս հաստատեց Հայաստանում տեղակայված Եվրամիության առաքելության ոչ բարձր արդյունավետությունը»,- ասել է Զախարովան ամենշաբաթյա ճեպագրույցում:

Նրա խոսքով՝ անհրաժեշտ է ուշադրություն դարձնել մշտական ռիթմիկ աշխատանքի կատարմանը հայ-ադրբեջանական սահմանի սահմանազատման եւ սահմանագծման գծով՝ ռուսական խորհրդատվական աջակցությամբ, վստահության ամրապնդման համալիր միջոցառումների միաժամանակյա իրականացմամբ: «Մենք նաեւ կողմ ենք սահմանամերձ շրջանում ՀԱՊԿ առաքելության տեղակայմանը, եւ այստեղ, իհարկե, գնդակն արդեն Երեւանի դաշտում է: Կազմակերպության մնացած անդամները նման քայլի պատրաստակամություն են հայտնել»:

«Ռուսական կողմը՝ արտաքին գործերի նախարարության, պաշտպանության նախարարության, այլ գերատեսչությունների գծով մշտական կապի մեջ է բոլոր շահագրգիռ կողմերի հետ եւ քայլեր է ձեռնարկում Արցախում հումանիտար ճգնաժամը կարգավորելու համար»,- հայտարարել է Զախարովան:

Նրա խոսքով՝ Ռուսաստանի արտաքին գործերի նախարարության՝ Հայաստանի եւ Ադրբեջանի միջեւ հարաբերություններ կարգավորման հարցերով հատուկ ներկայացուցիչ Իգոր Խովատեը այդ հարցը մանրամասն քննարկել է օրերս Երեւան կատարած իր այցի ընթացքում, իսկ այժմ քննարկումներ է ունենում Ադրբեջանում:

«Մենք գործում ենք՝ 2020-2022 թթ. Ռուսաստանի, Հայաստանի եւ Ադրբեջանի ղեկավարների եռակողմ բոլոր հայտարարությունների համաձայն: Մենք հանդես ենք գալիս Լեռնային Ղարաբաղ հու-



մանիտար օգնության անխոչընդոտ մուտքի թույլատրման օգտին ինչպես Լաչինի, այնպես էլ Ադդամի երթուղիներով, եւ կոչ ենք անում խուսափել տվյալ հարցի անտեղի քաղաքականացումից»,- ասել է Զախարովան:

Մարիա Զախարովան, հրաժարվելով մեկնաբանել Հայաստանի վարչապետ Նիկոլ Փաշինյանի հարցազրույցը իտալական La Repubblica թերթին, նշել է, որ «Հայաստանի վարչապետը վերջին օրերին քիչ բան չի ասել»:

«Պարզապես ամփոփելով այդ բոլոր հայտարարությունները՝ ուզում եմ ասել, որ պետք է կարողանալ պատասխան տալ սեփական արարքների համար, այլ

ոչ թե մեղավորներ փնտրել եւ դա անել անընդհատ, ամեն առիթով: Պետք է պատասխանատվություն կրել, սեփական պատասխանատվությունը, այլ ոչ թե ուրիշի ուսերին բարդել, եթե նրանք դա մեղք են համարում կամ, չգիտեմ, այդ սեփական պատասխանատվությունը դնել էլի ինչ-որ մեկի վրա: Սրանով է քաղաքական գործիչը, պետական գործիչը տարբերվում պատահական մարդուց, որը չի մտածում իր երկրի ազգային շահերի մասին: Եվս մեկ անգամ նշեմ. պետք է կարողանալ պատասխան տալ սեփական արարքների համար, այլապես դա մի քիչ նման է պարոդի պարագային»,- ասել է Զախարովան:

ՕՐՎԱ ԽՃԱՆԿԱՐ

ՆՈՐ ՓՈԽՆԱԽԱՐԱՐ

ՀՀ վարչապետ Նիկոլ Փաշինյանի որոշմամբ՝ Արմեն Գասպարյանը նշանակվել է ՀՀ առողջապահության փոխնախարար:

Համապատասխան որոշումը վարչապետը ստորագրել է սեպտեմբերի 5-ին:

«Ղեկավարվելով «Հանրային ծառայության մասին» օրենքի 9-րդ հոդվածի 1-ին մասով՝ Արմեն Գասպարյանին նշանակել առողջապահության նախարարի տեղակալ»,- նշված է որոշման մեջ:

ԱՐՑԱԽԻՑ՝ ՀԱՅԱՍՏԱՆ

Երեկ Արցախի առողջապահության նախարարության «Հանրապետական բժշկական կենտրոն» ՓԲԸ-ից 9 բուժառու ուղեկցողների հետ միասին անհետաձգելի մասնագիտացված բժշկական օգնություն ստանալու համար Կարմիր խաչի միջազ-

գային կոմիտեի միջնորդությամբ եւ ուղեկցությամբ տեղափոխվել են ՀՀ մասնագիտացված բժշկական կենտրոններ:

«Արեւիկ» բուժփակրումում այս պահին ստացիոնար բուժում է ստանում 24 երեխա, 7-ը գտնվում է Նորաձևային եւ վերակենդանացման բաժանմունքում:

«Հանրապետական բժշկական կենտրոն» ՓԲԸ-ում ստացիոնար բուժում է ստանում 90 հիվանդ, 3 բուժառու գտնվում է վերակենդանացման բաժանմունքում, որից 1-ը՝ ծայրահեղ ծանր վիճակում:

ՆՈՐ ԳԵՍՊԱՆՆԵՐ

ՀՀ նախագահ Վահագն Խաչատրյանի հրամանագրով՝ մի շարք երկրներում ՀՀ նոր դեսպաններ են նշանակվել:

Մասնավորապես, Միսակ Բալասանյանը նշանակվել է Իրաքում ՀՀ դեսպան:

Վլեքսանդր Արզումանյանը հետ է կանչվել Շվեդիայի Թագավորությունում, Դանիայի Թագավորությունում, Նորվեգիայի Թագավորությունում, Ֆինլանդիայի Հան-

րապետությունում եւ Իսլանդիայի Հանրապետությունում Հայաստանի Հանրապետության արտակարգ եւ լիազոր դեսպանի պաշտոնից եւ նշանակվել Լեհաստանում ՀՀ դեսպան:

Աննա Աղաջանյանն էլ նշանակվել է Շվեդիայում ՀՀ դեսպան:

Հիշեցնենք՝ «Ժողովուրդ» օրաթերթը բազմիցս գրել էր, որ Միսակ Բալասանյանի նշանակման որոշումը կայացվել է:

ՀԱՅՏԱԳՐՈՒՄԸ ՄԵԿՆԱՐԿԵՑ

Սեպտեմբերի 5-ին մեկնարկում է բուհերի հեռակա ուսուցման ընդունելության քննությունների հայտագրումը:

Գնահատման եւ թեստավորման կենտրոնից «Ժողովուրդ» օրաթերթին տեղեկացնում են, որ ԳԹԿ անձնական համարները դիմորդները պետք է ստանան այն բուհերից, որտեղ դիմում են:



ՀԱՍԱՐԱԿՈՒԹՅՈՒՆ

ՄԱՐԶ

ԱՆՈՒՇԱԳՐՈՒԹՅՈՒՆ՝ ՏՈՒՇԱԾՆԵՐԻՆ

Այս տարի Տավուշի մարզում բազում բնական աղետներ են եղել, գյուղացիական տնտեսությունները մեծ վնասներ են կրել: Մայիսի 31-ին կարկտահարություն է եղել Նոյեմբերյան խոշորացված համայնքի սահմանամերձ Ոսկեպար, Իջեան խոշոր համայնքի Կիրանց եւ Աճարկուտ բնակավայրերում: Հունիսի 6-ին տեղացած հորդ անձրևները եւ դրանցից առաջացած սելավները մեծ վնասներ են պատճառել Նոյեմբերյան, Կողբ, Դովեղ բնակավայրերի բնակիչների գույքին, ցանքատարածություններին, սելավը քշվել-տարել է ընտանի կենդանիներ, վնասվել են առնվազն 4 մարդատար ավտոմեքենա: Հունիսի 19-ի երեկոյան Իջեան քաղաքում տեղի ունեցած կարկտահարությունը, քամին, ուժեղ անձրևից գոյացած սելավները մեծ վնասներ են պատճառել քաղաքի տնտեսություններին: Օգոստոսի 2-ի երեկոյան շուրջ կես ժամ տեղացած կարկուտը ոչնչացրել է Իջեան համայնքի Լուսաձոր գյուղի խաղողի, պտղատու այգիների, բանջարանոցների բերքը, ջարդել գյուղացիների տների շիֆերից տանիքներ, ապակե պատուհաններ, վնասել ավտոմեքենաների ծածկեր, լուսաձորցիների արեային մարտկոցները: Համայնքային եւ Տավուշի մարզպետարանի հանձնաժողովները հաշվարկել են բնական տարերքի պատճառած վնասների չափերը: Տավուշի մարզպետարանից տեղեկացա, որ Տավուշի մարզի համայնքներում 2023 թվականին բնական աղետներից (կարկտահարություն, սելավ) տուժած բնակիչներին փոխհատուցում կամ աջակցություն պետական բյուջեից չի ցուցաբերվել: Տավուշի մարզպետարանից տեղեկացա նաեւ, որ 2023թ. օգոստոսի 25-ի դրությամբ Տավուշի մարզպետարանի աշխատակիցները պետական բյուջեից ստացել են 50 միլիոն 395 հազար դրամ պարգեւավճար:

ՈՒՍՈՒՄՆԱՍԻՐՈՒԹՅՈՒՆ՝ ՀԱՆՔՈՒՄ

«Վալեքս» ընկերության ներկայացուցիչները նախատեսում են Այգեձորի տարածքում եւ Բերդ համայնքի սարում պղնձի հանքավայրի երկրաբանական հետազոտություններ կատարել: Նրանք այդ նպատակով արդեն հանդիպում են ունեցել Բերդի համայնքապետարանում: Նախատեսվում է այդ նպատակով սեպտեմբերի 29-ին Բերդում հանրային լուսնուր անցկացնել: Բերդ համայնքի բնակիչներն այդ լուրից անհանգստացած են, նրանք չեն ցանկանում, որ երկրաբանական հետազոտություններից հետո Բերդ համայնքի տարածքում մետաղական հանքավայր գործի: Բերդի բնակիչներն ասում են, որ Արցախում Կաշենի հանքավայրի փակվելուց, Լոռիում Թեղուտի հանքավայրի անհաջողություններից հետո «Վալեքս» ընկերությանը ցանկանում է Բերդում հանքավայր շահագործել: Տավուշի մարզի տարածքում նորագույն շրջանում երբեք մետաղական հանքավայր չի գործել:

ՈՍՎԱՆ ՍՈՐԳՅԱՆ  
Տավուշ

ԱՐՑԱՆ

ԲԼՈՒՆԱԳԻԱՆ ՀԱՂԹԱՂԱՐՈՂ ՄԵՐՈՒՆԻԳ

Արցախը գրեթե 300 օր է՝ Երջափակման մեջ է, օրեօր դաժակալում է սնունդը, իսկ արցախցին իր շահնճնվող ճեսակով դալբարում է: Պայքարի օրինակներից է արցախցի փոփոխների ստեղծած այգին, որը նախկինում ծաղկանոց է եղել: Ըստ արցախցիների՝ ժամ առ ժամ խորացող Երջափակման դժվարություններն արդեն հաղթահարելի են:



Արցախցի երեխաները, դպրոցական առօրյայից գատ, զբաղվում են այգեգործությամբ: Արցախի թաղամասերի բնակելի շենքերի ծաղկանոցները վաղուց դարձել են բանջարաբուստանային այգի: Արցախցի Անահիտ Արզումանյանը «Ժողովուրդ» օրաթերթին պատմում է, թե ինչպես են իրենց բակի ծաղկանոցները վերածվել բերքատու հողամասի: Նա խոսել է փոքրիկ այգեգործների հետ, պատմել, թե ինչպես են շրջափակված Արցախում զարկ տալիս սեփական նախաձեռնությանը եւ դիմագրավում շրջափակման մարտահրավերներին:

Այգեգործ եւ գաղափարի հեղինակ 14-ամյա Սյոմա Ավանեսյանը մարտակերտի շրջանի Մատաղիս գյուղից է: Հայրենի գյուղում ծնողներին օգնողի դերում էր, իսկ այստեղ արդեն սեփական նախաձեռնության տերն է:

Ծաղկանոցը բանջարաբուստանային այգի դարձնելու գաղափարը իրենն է, իսկ հետո գաղափարի իրագործման մասնակից դարձան նաեւ թաղամասի մյուս բնակիչները: Սյոմա Ավանեսյանը պատմում է, թե ինչպես առաջացավ շրջափակման պայմաններում սեփական այգի ունենալու միտքը:

«Քանի որ շրջափակում է, եւ ինչ-որ մթերքներ պակասում են, դա է պատճառը, որ սկսել եմ զբաղվել այգեգործությամբ, բանջարեղեն եմ աճեցնում: Ինձ օգնել են տատիկս եւ պապիկս, որ կարողանամ բանջարեղեն աճեցնել»:

Դպրոցական այգեգործի խոսքով՝ արդեն հասցրել է լուլիկ, վարունգ, կանաչիների տեսականի ցանել եւ նույնիսկ անդրա-

նիկ բերքը համտեսել: Ուրախ է եւ հպարտ, հպարտ են նաեւ իր ծնողները: Ներկայումս դժվարություններ է առաջացնում միայն այգին ջրով մատակարարելու հարցը: Սյոմա Ավանեսյանը մանրամասն ներկայացնում է, թե ինչպես են բնակելի շենքի բարձր հարկերից խողովակով ջուր վերցնում ու այգին ջրում:

«Դժվարություն է դառնում հողամասը ջրելը, բայց մենք հարեանների խնդրում ենք՝ երկրորդ, երրորդ, չորրորդ եւ հինգերորդ հարկերից՝ իրենց ծորակից ջուր են տալիս, եւ խողովակով ջրում ենք մեր բուստանը, իսկ մենք նրանց տալիս ենք մեր հողամասի բարիքներից»:

Այգին ընդլայնելու պլաններ ունի: Սպասելու է մինչեւ վերջին բերքի հասունանալը, այնուհետեւ կրկին ոռոգվելու է հողն ու թողնի հանգստանալ մինչեւ հաջորդ տարի: Սյոմայի բակի ընկերներից Մելիկը Հաղորւթ քաղաքից է: Հայրենի գյուղի կարոտն առնում է՝ այդ փոքրիկ ծաղկանոցում հողի հետ աշխատելով: Լոբու սերմերը հայրն է տվել, ուղղորդել՝ ինչպես ցանի: Ծուկայից գնել է կանաչու սերմեր, իսկ վարունգի սածիլները գյուղի բարեկամն է

տվել: Նրա խոսքով՝ մինչ դասերի սկսվելը ողջ օրն անց էր կացնում բանջարանոցում, քաղիան անում (մոլախոտերից մաքրում հողակտորը), այգին մաքրում, ջրում եւ հիանում սերմերի՝ ծիլ տալու ընթացքով: Դասերից հետո շտապում է բանջարանոց նույնիսկ այն դեպքում, երբ այնտեղ աշխատանք չկա անելու: Մելիկի համոզմամբ՝ շրջափակման պայմաններում սովորելը նրանք չէ, բանջարանոց ունենալն է ճիշտ:

Նշված այլընտրանքային միջոցները դեռ ամենը չեն, Սյոման եւ Մելիկը շրջում են նաեւ հացի ու կաթի հերթերում: Հերթ են կանգնում եւ իրենց բաժին հացն ու կաթը ստանում: Նրանց պես հազարավոր երեխաներ այսօր ծնողների հետ համատեղ արժանապատիվ պայքարում են շրջափակման դեմ, միջոցներ փնտրում օրը նպատակային ու արդյունավետ դարձնելու եւ Արցախի այս իրավիճակից պատվով դուրս գալու համար:

Այս ամենը եւս մեկ անգամ հաստատում եւ ապացուցում է արցախցու ուժեղ կամքն ու միասնականությունը:

ԷՄՄԱ ՄԻՔԱՅԵԼՅԱՆ

ՆՊԱՍՏՆԵՐ

ԳՈՐԾԸՆԹԱՑՆԵՐԸ ԿՐՄՏԱԿԵՑՎԵՆ

«Ժողովուրդ» օրաթերթի փոխանցմամբ՝ առաջարկվում է ֆունկցիոնալության խոր ասիճանի սահմանափակումով կամ ֆունկցիոնալության ծանր ասիճանի սահմանափակումով անձանց ընթացակարգի եւ սոցիալական նոստի, ինչպես նաեւ հրատաղ օգնության դիմումի հիման վրա նոստաջ վճարել կանխիկ կամ անկանխիկ եղանակով:

Կառավարության հեղինակած ««Պետական նպաստների մասին» օրենքում լրացումներ եւ փոփոխություններ կատարելու մասին» օրենքի նախագիծը քննարկվել է ԱԺ աշխատանքի եւ սոցիալական հարցերի մշտական հանձնաժողովի՝ սեպտեմբերի 5-ի հերթական նիստում:

Ըստ հիմնական զեկուցող, ՀՀ աշխատանքի եւ սոցիալական հարցերի նախարարի տեղակալ Դավիթ Խաչատրյանի՝ նախագծով հստակեցվում են երեխայի ծննդյան միանվագ նպաստի կառուցվածքը եւ արտահայտվել նախագծի ընդունմանը: Քննարկման արդյունքում օրինագիծը ստացել է դրական եզրակացություն:

Գավիթ հաշատրյանը նշել է, որ նախագծով վերացվում են օրենքի իրավակիրառ պրակտիկայի ընթացքում ի հայտ եկած թերությունները: Ըստ հիմնական զեկուցողի՝ նախագիծն ընդունվելու դեպքում «Պետական նպաստների մասին» օրենքի 8-րդ հոդվածի 7-րդ մասի դրույթները կհամապատասխանեցվեն «Անձի ֆունկցիոնալության գնահատման մասին» օրենքի 7-րդ հոդվածի 1-ին եւ 2-րդ մասերին, կհստակեցվեն նաեւ մինչեւ երկու տարեկան երեխայի խնամքի նպաստի եւ երեխայի ծննդյան միանվագ նպաստի նշանակման եւ վճարման գործընթացները: Հավելվել նաեւ, որ ԱԺ աշխատանքի եւ սոցիալական հարցերի մշտական հանձնաժողովի նախագահ Հերիք-Նազ Տիգրանյանի հավաստմամբ՝ օրենքի նախագծով հիմնականում կարգավորվում են պետական նպաստների նշանակման ոլորտում առկա խնդիրներն ու հարցերը: Հանձնաժողովականները կողմ են արտահայտվել նախագծի ընդունմանը: Քննարկման արդյունքում օրինագիծը ստացել է դրական եզրակացություն:

Նշենք նաեւ, որ ՀՀ աշխատանքի եւ սոցիալական հարցերի նախարարի տեղակալը փաստել է, որ հստակեցվում են երեխայի ծննդյան միանվագ նպաստի նշանակելու եւ խնամքի նպաստի իրավունք տվող պայմանները:

● Անցած 1 օրվա ընթացքում Հայաստանի Հանրապետությունում արձանագրվել է 10 ՃՏՊ. 2 մարդ զոհվել է, 15-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՀԱՅՏԱՐԱՐՈՒԹՅՈՒՆ

Հրապարակային ծանուցում
«Երեւանի Արարիկացի Բողոք» ՍՊԸ-ի հարթակում շարունակվելու է «Բի Էս Թի» ՍՊԸ-ի կողմից կազմակերպված, «Հայթիկներ» ՓԲԸ-ին սեփականության իրավունքով պատկանող, հետեյալ լուսի աճուրդի փուլերը հղանդական եղանակով ք. Երեւան, Սայաթ-Նովա պողոտա, 40 շենք, թիվ 82/31 հասցեում 11.09.2023թ.-ին, Ժ. 12:00-ին, այնուհետև յուրաքանչյուր աշխատանքային օր՝ 10.01.2023թ. տեղադրված «Հրապարակային ծանուցման» մեջ նշված պայմաններով:

ԵՐԵՎԱՆԻ ԱՄԵՆԱՊԱՀԱՆՁՎԱԾ ԶԱՊԱՔՆԵՐԻՑ Է

Երեւանը մտել է ռուսաստանցիների աշխատանքային հանգստի ամենապահանջված ուղղություններից մեկի ցուցակ: տեղեկացրել է ՏԱՍՄ-ը՝ հղում կատարելով OneTwoTrip-ի վերլուծաբանների հետազոտությանը:

«Վրոսասահմանյան ուղղությունների շարքում աշխատանք ամենամեծ պահանջարկ ունեն Ստամբուլը (արտասահմանյան բոլոր պատվերների 10,2 տոկոսը) և Երեւանը (4,5 տոկոս): Թուրքիայում տեղ են գտել նաև Դուբայը (2,8 տոկոս), Փարիզը (2,5) և Յոնքը (2,4): Պատվերների 2,1 տոկոսը բաժին է ընկնում Բանգկոկին, 2 տոկոսը՝ Ռիմսին, 1,6 տոկոսը՝ Թբիլիսիին, 1,5-ական տոկոս՝ Մինսկին և Անթալիային»,- նշվել է հաղորդագրությունում:

Նշվել է, որ զգալիորեն ավելացել է Երեւանի պահանջարկը, պատվիրված տեղերի թիվն ավելացել է 45,2 տոկոսով՝ 2022թ. նույն ժամանակամիջոցի համեմատ: Ամենապահանջված արտասահմանյան ուղղությունների հնգյակում են նաև Յոնքը (2023թ. պատվերների թիվն ավելացել է 33,3 տոկոսով), Փարիզը (31,2), Բանգկոկը (40):

Մինսկի և Անթալիայի հյուրանոցներում պատվերները նվազել են 63,4 և 37,5 տոկոսով համապատասխանաբար:

ԱՐՁԱԿՈՒՐԳՆԵՐ

ԿԳՄՍ նախարարի հրամանով հաստատվել են հանրակրթական հիմնական պետական ծրագրեր իրականացնող ուսումնական հաստատությունների 2023-2024 ուստարվա օրինակելի ուսումնական պլանները:

2023-2024 ուստարում 3-12-րդ դասարանների սովորողներին տրվում են արձակուրդներ՝ աշխատանքային՝ 2023 թվականի հոկտեմբերի 23-ից 29-ը ներառյալ, ձմեռային՝ 2023 թվականի դեկտեմբերի 25-ից 2024 թվականի հունվարի 7-ը ներառյալ, գարնանային՝ 2024 թվականի մարտի 25-ից 31-ը ներառյալ:

Առաջին դասարանցիների աշխատանքային արձակուրդները տրվում են 2023 թվականի հոկտեմբերի 16-ից 29-ը ներառյալ, ձմեռայինը՝ 2023 թվականի դեկտեմբերի 25-ից 2024 թվականի հունվարի 21-ը ներառյալ, գարնանայինը՝ 2024 թվականի մարտի 18-ից 31-ը ներառյալ:

Երկրորդ դասարանցիների աշխատանքային արձակուրդները տրվում են 2023 թվականի հոկտեմբերի 23-ից 29-ը ներառյալ, ձմեռայինը՝ 2023 թվականի դեկտեմբերի 25-ից 2024 թվականի հունվարի 21-ը ներառյալ, և գարնանայինը՝ 2024 թվականի մարտի 25-ից 31-ը ներառյալ:

ՄԱՆՐԱՄԱՍՆԵՐ

ՄՅՈՒՌՈՆՕՐՆԵՔԸ՝ ՄԱՅՐ ԱԹՈՒՌԻՄ

Հոկտեմբերի 1-ին Մայր Աթոռ Սուրբ Էջմիածնում տեղի կունենա Մրբալոյս Մյուռնի օրհնության արարողությունը: «Ժողովուրդ» օրաթերթը ներկայացնում է մանրամասներ արարողության մասին:

Մյուռն-ԳԵՂԱՐԿ
Հայոց Եկեղեցու Ավանդության համաձայն՝ Վեհափառ Հայրապետը Սրբալոյս Մյուռնն օրհնում է նաև աստվածամուխ Ա. Գեղարդով: Սա նիզակի այն ծայրն է, որով Դուկիանոս անունով հռոմեացի զինվորը խոցեց Հիսուսի կողը, որից բխեց ջուր և արյուն (Հովհ. 19. 34):

Մյուռն-ԽԱԶ
Վեհափառ Հայրապետը Սրբալոյս Մյուռնը նախ օրհնում է Ա. Խաչով, որի մեջ գետեղված է մասունք Տիրոջ խաչափայտից: Ըստ Նարեկացու՝ ինկելի, պաշտելի է երանելի այս յուրը մարդուն որեւէ օգուտ չի տա, եթե տերունի կենսատու խաչով չտյառնագրվի: Մասունքակիր այս խաչը պատրաստվել է հատուկ Փիլիպոս Ա Աղբակեցի Կաթողիկոսի (1632-1655) համար 1652 թ.: Վերջին շրջանում մյուռնօրհնությունը կատարվել է այս խաչով:

Մյուռն-ԿԱԹՍԱ

126 տարի շարունակ Մայր Աթոռում գործածվում է Մյուռնի արծաթե այս կաթսան, որը 1895 թ. հունվարի 1-ին Ա. Էջմիածնի և Լվիրաբերել նորնախիջեանցի վաճառական Աղա Գասպար Հարությունյան Կարապետոյանը: Այն պատրաստվել է Մոսկվայում Պ. Օվչինիկովի արհեստանոցում: Կաթսայի վրա պատկերված են Քրիստոսի մկրտությունը Հովհաննես Մկրտչի ձեռքով, Աբգար արքայի մկրտությունը Ա. Թադեոս առաքյալի կողմից, արքայական ընտանիքի մկրտությունը Ա. Գր. Լուսավորչի ձեռամբ, Միածին Որդու էջքը, Մայր Տաճարը և Հոգեգալուստը:

Իսկ ի՞նչ է մյուռնը

Մյուռնի մասին խոսելիս հաճախ գործածում ենք «Սրբալոյս» մակդիրը: «Սրբալոյս Մյուռն» ասելով՝ նկատի ունենք, որ այդ Յուրից բխած լույսը սուրբ է, հոգեւոր և պայծառ, որը լուսավորում է



ամեն քրիստոնյայի: Ժողովուրդը Ա. Յուրը նաև կոչում է «կանաչ Մյուռն»:

Ըստ վերջին շրջանում ձեւավորված սովորության՝ Մյուռնն օրհնվում է 5-7 տարին մեկ, բայց անհրաժեշտության դեպքում այն կարող է նաև խախտվել:

Յավոք, պատմության ընթացքում ունեցել ենք նաև այնպիսի հայրապետներ, որոնք այդպես էլ չեն հասցրել կատարել սրբազան այս արարողությունը: Օր. Մատթեոս Բ Կոստանդնուպոլսեցի Իգմիրյան Կաթողիկոսը (1908-1910) իր կարճ գահակալության ընթացքում չհասցրեց մյուռն օրհնել, քանզի 1909 թ. նշանակված արարողությունը հետաձգվեց Կովկասում բռնկված խղիթայի պատճառով: Նույն ճակատագրին արժանացան նաև երջանկահիշատակ Խորեն Ա Մուրադբեկյանը (1932-1938) և Գեւորգ Զ Չորեքյանը (1945-1954), որոնց նույնպես բախտ չլիճակվեց մյուռն օրհնել խորհրդային կարգերի պատճառով:

Վազգեն Կաթողիկոսին հաջորդած Գարեգին Ա Ամենայն Հայոց Կաթողիկոսը 1996 թ. սեպտեմբերի 8-ին Մայր Աթոռում կատարեց իր առաջին մյուռնի օրհնությունը՝ կոչելով այն «Վերածնության մյուռն»:

Բայց հաջորդը տեղի ունեցավ ոչ թե 7 տարի հետո, այլ՝ 5, այսինքն՝ 2001 թ., երբ ազգովի նշում էինք քրիստոնեությունը Հայաստանում պետական կրոն հռչակման 1700-ամյակը: Վերագրյալ բոլոր օրհնակները և պատմական տվյալները ցույց են տալիս, որ ազգային-եկեղեցական կարեւոր և հիշարժան տարեթվերի, մյուռնի պակասության կամ այլ հանգամանքների դեպքում Վեհափառ Հայրապետը կարող է մյուռնօրհնեք կատարել՝ օգուտվելով իրեն վերապահված իրավունքից:

ՀԵՏԱԶՐԵՐ

ՄԱՍՆԱԿՑՈՒԹՅՈՒՆ ԸՆՏՐՈՒԹՅՈՒՆՆԵՐԻՆ

«Ժողովուրդ» օրաթերթին ԿԸՀ-ից հիշեցնում են, որ Ընտրական օրենսգրքի համաձայն՝ ընտրելու իրավունք ունեն նաև օտարերկրացիները, եթե առնվազն մեկ տարի հաշվառված են տվյալ համայնքում:

1. Օտարերկրյա քաղաքացիների համար անձը հաստատող փաստաթուղթ են համարվում ՀՀ-ում օրինական բնակությունը հավաստող ժամանակավոր կացության քարտը,

մշտական կացության քարտը, ՀՀ հատուկ անձնագիրը:

2. ՌԴ քաղաքացիների համար անձը հաստատող փաստաթուղթ են համարվում նաև ՌԴ քաղաքացիությունը հավաստող անձնագիրը՝ Երեւան համայնքի պետական ռեգիստրում հաշվառման վերաբերյալ նշումով:

3. Զաղաքացիությունը չունեցող անձանց համար՝ ՀՀ-ում մշտապես բնակվող քաղաքացիություն չունեցող անձի կացության վկայականը, ժամանակավոր կացության քարտը, ՀՀ հատուկ անձնագիրը:

4. Փախստական ճանաչված անձանց համար՝ կոնվենցիոն ճամփորդական փաստաթուղթը:

Օտարերկրյա քաղաքացիների մասին տեղեկատվությունը վարում է Ներքին գործերի նախարարության միգրացիայի և քաղաքացիության ծառայությունը:

ՈՒՍԱՆՈՂՆԵՐԸ ԶԻՎԵՑԻՆ

ՀՀ կրթության, գիտության, մշակույթի և սպորտի նախարարի 2023 թ. սեպտեմբերի 4-ի հրամանով հաստատվել է 2023-2024 ուսումնական տարում բակալավրի ու անընդհատ և ինտեգրացված կրթա-

կան ծրագրերով բարձրագույն ուսումնական հաստատությունների անվճար ուսուցման համակարգ ընդունված ուսանողների թվի տասը տոկոսի չափով բարձրագույն ուսումնական հաստատությունների միջոցների հաշվին ուսման վարձի փոխհատուցման ենթակա մասնագիտությունների (կրթական ծրագրերի) և տեղերի ցանկը:

Ինչպես «Ժողովուրդ» օրաթերթը տեղեկանում է ԿԳՄՍՆ-ից, 187 ուսանող կօգուտվի բուհերի միջոցների հաշվին ուսման վարձի փոխհատուցման հնարավորությունից:

ՀՀ կառավարության 2006 թ. հուլիսի 27-ի որոշմամբ հաստատված Հայաստանի Հանրապետության բարձրագույն ուսումնական հաստատություններում նպաստի ձեւով ուսման վճարի փոխհատուցում (լրիվ կամ մասնակի (զեղչ)) և պետական կրթաթոշակ տալու կարգի 5-րդ կետի պահանջների համաձայն՝ վերը նշված հաստատված տեղերը ենթակա են փոխատեղման:

«Ժողովուրդ» օրաթերթում և Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԻՐԱԴՂԱՐՁՈՒԹՅՈՒՆ

ԳԱԹԱՅԻ ՓԱՌԱՏՈՆՆԻ ԽԱՉԻԿ ԳՅՈՒՂՈՒՄ

«Ժողովուրդ» օրաթերթի փոխանցմամբ Վայոց ձորի Խաչիկ գյուղում սեղսեմբերի 23-ին արդեն 7-րդ անգամ կանցկացվի ավանդույթ դարձած Գաթայի փառասոնը: Համայնքում առաջին անգամ փառասոն անցկացվել է 2013 թվականին. այդ ժամանակ այն կոչվել է Խաչիկ գյուղի տոն: Հաջորդ տարի որոշում է կայացվել այն վերանվանել ու դարձնել Գաթայի փառասոն: Միջոցառման կազմակերպիչ Արուս Երսիսյանի խոսքով՝ փառասոնը գյուղում սղասված իրադարձություն է:



Գրանից բացի, փառասոնի մասնակիցները կարող են տեղում օգտվել տարբեր տուրերից: Արուս Երսիսյանը նշեց, որ Խաչիկ գյուղն ունի հարուստ կենսաբազմազանություն, հետաքրքիր պատմամշակութային, տեսարժան վայրեր: Այդ ամենից բացի, այցելուները կարող են օգտվել քայլարշավներից, այսինքն՝ այցելուների ժամանակի բազմազանությունը կապահովվի:

«Գյուղացիները բավական ոգեւորված են: Եթե Նախորդ տարիներին համոզում էինք, որ մասնակցեն փառասոնին, ապա հիմա իրենք են շտապում մասնակցության հայտեր ներկայացնել: Խաչիկը դառնում է որպես առանձին զբոսաշրջային ուղղություն, նկատվում է տուրիստների ներհոսք: Բացվում են հյուրատներ, ոմանք տնտեսական գործունեություն են սկսում ծավալել: Ունենք ներդրողներ, որոնք ցանկանում են այգիներ հիմնել, գինու գործարան կառուցել»,- ասաց Գեորգ Սիմոնյանը:

Փառասոնին լինելու են 30 տղավարներ, որտեղ տեղացիները ներկայացնելու են իրենց արտադրանքը, բերքն ու բարիքը, ձեռքի աշխատանքը: Ամբողջ տարի պատրաստվում են փառասոնին. սա շատ մեծ հնարավորություն է իրենց համար, որ կարողանան գտնել հաճախորդներ բարիքներն իրացնելու համար: Զյուրերը հնարավորություն կունենան համոզելու նաեւ տարբեր կերակրատեսակներ:

Համայնքապետարանն ուշադրության կենտրոնում է պահում ենթակառուցվածքների զարգացումը, նկատելի աշխատանք է կատարվել փողոցների լուսավորության, ճանապարհների բարեկարգման ուղղությամբ:

ՄԻՋԱԶԳԱՅԻՆ ՏԱՐԱԶԸ ԲՈՒՂԱՐԻԱՅՈՒՄ

«Տերյան մշակութային կենտրոն»-ը եւ Հայաստանի պատմության թանգարանը համատեղ Բուլղարիայում մասնակցում են Ավանդական արհեստների XVIII միջազգային տոնավաճառին՝ ներկայանալով «Հայկական ավանդական տարազ» ցուցադրությամբ: Միջոցառումը տեղի է ունենում Գաբրովոյի էթնո տարածաշրջանային ազգագրության բացօթյա թանգարանում: Էթնո-բոլ (Էթնո) գտնվում է Գաբրովո քաղաքից 8 կմ հեռավորության վրա՝ Սիվեկ գետի ափին, եւ ունի 46 ճարտարապետական կառույցներ, որոնք ներկայացնում են 25 հնագույն մասնագիտություններ:



թյուն են հայտնել համատեղ ջանքեր գործադրել փոխգործակցության հետագա զարգացման համար: Այս կապակցությամբ ՀՀ դեսպանը առանձնահատուկ կարեւորել է երկու երկրների միջեւ համապատասխան իրավապայմանագրային դաշտի թարմացումն ու լրամշակումը: Հավելենք, որ դեսպան Փոլադյանը նշել է, որ հայկական կողմը Նախատեսում է աշխատանքներ իրականացնել՝ զալիք տարում Եգիպտոսում Հայաստանի մշակութային օրեր անցկացնելու ուղղությամբ: Համագործակցության առավել ընդլայնման համար կողմերը կարեւորել են նաեւ պաշտոնական պատվիրակությունների եւ մշակութային խմբերի փոխայցելությունների աշխուժացումը:

Հանդիպման ընթացքում դեսպան Փոլադյանը Նախարար Նելսին Կալանթարյանին է փոխանցել ընթացիկ տարվա հոկտեմբերին Հայաստանում կայանալիք «Կին քաղաքական առաջնությունների ժողովրդավարության, խաղաղության եւ անվտանգության հարցերով զագաթնաժողովի» մասնակցության հրավերը: Շնորհակալություն հայտնելով հրավերի համար՝ Նախարարը հետաքրքրություն է հայտնել զագաթնաժողովին մասնակցության առաջնությամբ:

ՄԱՐԶԱԿԱՆ ՀԱՅԱՍՏԱՆԸ ԵՎ ԵՎԻՄԱՏՈՒՄ

Հայաստանի 36 շախմատիստ կմասնակցի սեպտեմբերի 5-ից 14-ը Ռուսիայի Մամայա քաղաքում անցկացվելիք Եվրոպայի պատանեկան առաջնությանը: Առաջնությունը կանցկացվի 12 տարիքային խմբերով՝ Մ-8 տղաներ, Մ-10 տղաներ, Մ-12 տղաներ, Մ-14 տղաներ, Մ-16 տղաներ, Մ-18 տղաներ, Մ-8 աղջիկներ, Մ-10 աղջիկներ, Մ-12 աղջիկներ, Մ-14 աղջիկներ, Մ-16 աղջիկներ, Մ-18 աղջիկներ: Հայաստանը կներկայացնեն 26 տղաներ եւ 10 աղջիկներ:

«ՄԱՆՉԵՍԹԵՐ»-Ի ՑԵՂԱՓՈԽՎԵՑ

Կոտրիվուարցի պաշտպան Էրիկ Բային անգլիական «Մանչեսթեր Յունայթեդից» տեղափոխվել թուրքական «Բեշիկթաշ» հաղորդում է ակումբի մամուլի ծառայությունը: 2016 թվականին «Մանչեսթեր Յունայթեդը» Էրիկ Բայիի համար խապանական «Վիլյառեալին» վճարել էր 38 միլիոն եվրո: Այժմ 29-ամյա ֆուտբոլիստի տրանսֆերային արժեքը գնահատվում է 5 միլիոն եվրո: Անցած մրցաշրջանը Էրիկ Բային վարձակալությամբ անցկացրել էր ֆրանսիական «Մարսելում»:

ՀԱՆԳԻՊՄԱՆ ՄՐՑԱՎԱՐՆԵՐԸ

«Եվրո-2024»-ի ընտրական մրցաշարի Թուրքիա-Հայաստան հանդիպումը կսպասարկեն իտալացի մրցավարներ՝ Դանիելե Օրսատոյի գլխավորությամբ: Նրան կօգնեն Չիրո Կարբոնեն եւ Ալեսանդրո Զիլալտինին: Չորրորդ պաշտոնյան է Անտոնիո Ռապալանոն. հաղորդում է ՈւԵՖԱ-ի կայքը: 5-րդ տուրի Թուրքիա-Հայաստան հանդիպումը տեղի կունենա սեպտեմբերի 8-ին Էսկիշեհիր քաղաքում եւ կմեկնարկի Երեւանի ժամանակով 22:45-ին: Ը խմբի առաջատարը Թուրքիան է, որը 4 խաղում վաստակել է 9 միավոր: Հայաստանի հավաքականը 3 խաղից հետո 6 միավորով երկրորդն է: Խորվաթիան անցկացրել է 2 հանդիպում եւ 4 միավորով երրորդն է: Նույնքան միավոր ունի չորրորդ տեղում ընթացող Ուելսը, որն անցկացրել է 4 հանդիպում: Լատվիան երեք պարտությունից հետո եզրափակում է մրցաշարային աղյուսակը:

ՄԻԱՑԱՎ ԹԻՄԻՆ

Ֆուտբոլի Հայաստանի ազգային հավաքականի հրավիրված Երեւանի «Նոալի» պաշտպան Սերգեյ Մուրադյանը միացավ Հայաստանի մինչեւ 21 տարեկանների հավաքականին. հաղորդում է Հայաստանի ֆուտբոլի ֆեդերացիայի մամուլի ծառայությունը: 2025 թվականի Եվրոպայի մինչեւ 21 տարեկանների առաջնության որակավորման փուլում Հայաստանի հավաքականը սեպտեմբերի 8-ին կընդունի Ալբանիայի, սեպտեմբերի 12-ին՝ Չեռնոգորիայի հավաքականին: Երկու հանդիպումներն էլ տեղի կունենան Արմավիրի Վահագն Թումասյանի անվան մարզահամալիրում եւ կմեկնարկեն 19:00-ին:

● Սեպտեմբերի 10-ին «Գոյ» թատրոնում տեղի կունենա «Լոնդոն Blues» ներկայացումը: Տոմսերի արժեքը՝ 2500-3000 դրամ: Սկիզբը՝ ժամը 20:00-ին:



Էջը՝ ՄԱՐԻԱՍ ՂԱԶԱՐՅԱՆԻ

**ԿՐԹԱԹՈՇԱԿ**

**ՀԱՐՑ. Ո՞ր ուսանողներին է կրթաթուակ սրվում:**  
*Տիգրան Սահակյան (26 տարեկան)*



**ՊԱՏԱՍԽԱՆ.** Պետական կրթաթոշակը պետական ֆինանսական խրախուսանք է, որը մրցութային կարգով տրվում է միջին մասնագիտական ուսումնական հաստատության ուսանողին՝ գերազանց եւ լավ առաջադիմության, հասարակական ակտիվության, պատշաճ վարքագիծ դրսևորելու համար, ինչպես նաև սահմանափակ բարձր լեռնային բնակավայրերի ուսանողներին:

Ուսանողների հասարակական ակտիվությունը բնութագրող ցուցանիշներ են համարվում մասնակցությունն ուսումնական հաստատության ուսանողական, հասարակական աշխատանքներին, զեկուցումները, ռեֆերատները, հրատարակած աշխատանքները (գիտական ամսագրերում եւ զանգվածային լրատվության միջոցներում), մասնակցությունը միջբուհային, քաղաքային, հանրապետական եւ միջազգային մրցույթներին, օլիմպիադաներին, ուսանողական գիտական նստաշրջաններին, ուսանողական շինարարական ջոկատների աշխատանքներին, այլ ստեղծագործական նախաձեռնություններ՝ միջին մասնագիտական ուսումնական հաստատության հայեցողությամբ:

**ՀՀ ԿԳՄՍՆ**

**«ԺՈՂՎՈՒՐԳ».** Նախնական մասնագիտական (արհեստագործական) ուսումնական հաստատությունում պետական կրթաթոշակը տրվում է ուսանողական նպաստի համակարգում ընդունված ուսանողին: Պետության կողմից կրթաթոշակ տրվում է Հայաստանի Հանրապետության պետական բյուջեից ֆինանսավորվող ուսումնական հաստատությունների ուսանողներին: Հայաստանի Հանրապետության պետական բյուջեից չֆինանսավորվող ուսումնական հաստատություններում կրթաթոշակի հատկացման մասին որոշումն ընդունում է հիմնադիրը:

**ԻՐԱՎՈՒՆՔ**

**ՀԱՐՑ. Հեղինակային իրավունքը կարո՞ղ է գրանցվել:**  
*Սուրեն Թորոսյան (65 տարեկան)*



**ՊԱՏԱՍԽԱՆ.** Հեղինակային իրավունքի պահպանությունը տրամադրվում է ավտոմատ կերպով եւ կախված չէ այդ իրավունքի պաշտոնական հաստատագրումից, ստեղծագործության գրանցումից եւ որեւէ այլ գործողության կատարումից, ուստի Մտավոր սեփականության գործակալությունը չի իրականացնում հեղինակային իրավունքի օբյեկտների գրանցման գործառնություն:

Սակայն հեղինակային իրավունք եւ հարակից իրավունքներ կրողների իրավունքների ապահովման նպատակով գործում են գույքային իրավունքները կոլեկտիվ հիմունքներով կառավարող կազմակերպություններ:

**ԱՍԿՎՈՐ ՍԵՓԱԿԱՆՈՒԹՅԱՆ ԳՐԱՍԵՆՅԱԿ**

**«ԺՈՂՎՈՒՐԳ».** Հեղինակային իրավունք եւ հարակից իրավունքներ կրողների իրավունքների ապահովման նպատակով գործող գույքային իրավունքները կոլեկտիվ հիմունքներով կառավարող կազմակերպությունները ստեղծվում են ուղղակիորեն հեղինակային իրավունքի եւ հարակից իրավունքների տերերի կողմից եւ գործում են ստացված լիազորությունների շրջանակներում («Հեղինակային իրավունքի եւ հարակից իրավունքների մասին» ՀՀ օրենքի 63-64-րդ հոդվածներ):

**ԼՈՒՐ ԿԱԴՐ**

*Լուսանկարը՝ համացանցից*



Սաուդյան Արաբիայի «Ալ Նասրի» 38-ամյա հարձակվող Կրիշտիանու Ռոնալդուն միացել է Պորտուգալիայի հավաքականին եւ կմասնակցի «Եվրո-2024»-ի ընտրական մրցաշարի առաջին հանդիպումներին:  
«Հրաշալի է տուն վերադառնալը: Առավելագույն մոտիվացիա եւ լիակատար կենտրոնացվածություն առաջին կազմում խաղելու համար «Եվրո-2024»-ի ճանապարհին», - «Թվիթեր»-ում գրել է Ռոնալդուն:

**ԲԱԺԱՆՈՐԴԱԳՐՈՒԹՅՈՒՆ**

Մեր թերթը  
Բաժանորդագրվելու  
համար կարող եք դիմել



«Հայմամուլ» ՓԲԸ  
հեռ. 45-82-00, 45-19-11

«Հայփոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ **ԱՆՎՃԱՐ**:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (**010 54-64-23** հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

**ԱՌԱՋԱՐԿ**  
**հայկական տպագիր մամուլից**


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

**ԵՂԱՆԱԿԻ ՏԵՍՈՒԹՅՈՒՆ**



☾	Շիրակ	+ 9 + 12 +28 + 31	☾	Արարատ	+18 + 20 +37 + 38
☾	Կոտայքի լեռներ	+ 9 + 11 +26 + 29	☾	Արմավիր	+15 + 19 +37 + 38
☾	Կոտայքի նախալեռներ	+17 + 20 +30 + 32	☾	Վայոց ձորի լեռներ	+ 9 + 12 +28 + 30
☾	Գեղարքունիք	+10 + 14 +26 + 30	☾	Վայոց ձորի նախալեռներ	+18 + 20 +35 + 38
☾	Լոռի	+13 + 17 +24 + 29	☾	Սյունիքի հովիտներ	+19 + 21 +32 + 37
☾	Տավուշ	+14 + 19 +27 + 30	☾	Սյունիքի նախալեռներ	+12 + 15 +24 + 28
☾	Արագածոտնի լեռներ	+ 9 + 12 +27 + 31	☾	ԼՂՀ	+18 + 21 +32 + 37
☾	Արագածոտնի նախալեռներ	+18 + 20 +30 + 34	☾	Երեւան	+18 + 20 +26 + 28

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22<sup>ա</sup>/3, հեռ՝ 010 54-64-23  
Պետական գրանցման վկայականի համարը՝ 03Ա089086  
տրված է 24.11.2010  
Ստորագրված է տպագրության **5.9.2023**

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆԴ» տպարան ՍՊԸ հրատարակչությունում  
խմբագրություն հանձնված նյութերը չեն գրայնաչափվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: